

Bukan siapa tapi ke mana hala tuju UMNO

KUALA LUMPUR: Hanya pemimpin yang boleh membawa perubahan dan pengislahan UMNO mampu meraih kemena-njan dalam Pilihan Raya Umum Ke-15 (PRU-15).

Malah, hala tuju individu yang mengetuai parti juga perlu jelas dan tidak hanya menjadikan UMNO sebagai tempat membina personaliti semata-mata terutama bagi pemimpin muda untuk mengembalikan sokongan rakyat.

Penganalisis Politik Jabatan Pengajian Kene-garaan dan Ketamadunan Fakulti Ekologi Malaysia, Universiti Putra Malay-sia (UPM), Prof. Madya Dr. Mohd. Izani Mohd. Zain berkata, kewujudan banyak personaliti boleh membawa banyak masalah kepada UMNO.

“UMNO juga perlu kuat terlebih dulu dan dipimpin oleh pemimpin yang berwibawa. Bila UMNO kuat barulah gagah dan menjadi aset dalam kerjasama,” katanya ketika dihubungi *Utusan Malaysia* semalam.

Presiden UMNO, Datuk Seri Dr. Ahmad Zahid Hamidi minggu lalu secara terbuka menegaskan semua jawatan dalam parti termasuk presiden terbuka untuk ditandingi pada pemilihan parti.

Sementara itu, Mohd. Izani berkata, pengumuman Ahmad Zahid sebelum ini dalam masa yang sama menunjukkan parti itu mangamalkan demokrasi bagi memilih pemimpin terbaik.

“Bagaimanapun, dalam masa yang sama ada kesan buruk. Ia mendedahkan kepada persaingan yang keterlaluan sehingga berlakunya politik wang dan kempen memburukkan individu.

“Perkara-perkara seperti senarai calon juga perlu dielakkan agar pemimpin yang benar layak dipilih dan bukannya pengikut atau kumpulan tertentu,” jelasnya.